

## Universitätsbibliothek Paderborn

### **Reverendissimi Ac Illustrissimi D.D. Antonii Godeau Episcopi Venciensis Viri Celeberrimi Theologia Moralis**

Ex Purissimis Sacræ Scripturæ, Patrum Ac Conciliorum Fontibus Derivata,  
Notis Theologicis Illustrata, Duasque In Partes Divisa

Complectens Tractatus I. De Fontibus Doctrinæ moralis. II. De præcipuis  
ejusdem Fundamentis. III. De Peccatis. IV. De Legibus. V. De summario  
dilectionis Præcepto. VI. De primo decalogi Præcepto. VII. De secundi  
decalogi Præcepto

**Godeau, Antoine**

**Augustae Vindelicorum, 1774**

Caput I. Sancti recte & pie invocantur.

[urn:nbn:de:hbz:466:1-53562](#)

## SECTIO IV.

DE

### CULTU SANCTIS ET IMAGINIBUS DEBITO.

#### CAPUT I.

Sancti recte & pie invocantur.

Suam hæretici ignorantiam produnt, dum catholicos accusant, quasi Deo debitam adorationem rapiant, Sanctos invocando, eorumque venerando imagines & reliquias. Hunc Symboli articulum minime illi intelligunt: *Credo Sanctorum Communionem*: quo articulo hæc invocatio nititur.

Omnis fideles Christi esse membra negare nequeunt, unum esse corpus inter se, & unum cum illo. Id ipse Patrem oravit, antequam patetur: *Ut omnes unum sint, sicut tu Pater in me, & ego in te, ut & ipsi in nobis unum sint* (*Ioan. 17.*). Hæc unio, imo unitas tanta est, ut dicat Christus ipse apud Joannem: *Nemo ascendit in cælum, nisi qui descendit de cælo* (*cap. 3.*). In cælum quidem ascendunt Sancti, sed tamquam Christi membra. Porro quemadmodum si in montem homo ascendet, non ejus brachium aut scapula ascendere dicitur, sed homo, aut hominis corpus; ita cum in cœ-

G g 2

lum

lum ascendunt Sancti, Christus ascendere dicitur, quia tamquam Christi membra Sancti ascendunt (*August. tract. 12. in Joan.*). Unum illi cum Christo sunt corpus, in illis ipse manet ipsique vicissim cum illo & in illo. Quanto igitur orant in cœlo Sancti, in illis orat Christus. Non Petrus neque Paulus a Christo se juncti pro hominibus orant, sed Christus in Petro & in Paulo pro hominibus orat. Quæcum ita sit, potestne Dei honor imminui, si a Filio suo exoretur. Quomodo mediatoris officium & dignitatem Filius amittit, si hoc ille officium exercet in Sanctis, quos oramus? Ait sanctus Paulus: *Ipse Spiritus postulat pro nobis gemitis inenarrabilibus* (*Rom. 8.*); quia nos orare facit. Sic in cœlo Christus in Sanctis orat; ipse enim spiritus est, qui eos animat & movet, & tamquam caput eorum opera moderatur ac regit, ita ut omnia cum illo & in illo agant. Dicunt Dei justi: *Omnia opera nostra operatus es in nobis* (*Isaiæ 26.*); ipse enim bonorum omnium opus est principium, & licet ipsi quoque cooperentur, eorum tamen cooperatio magis Dei donum, quam illorum est meritum, Dei enim gratia volunt, & agunt, qui operatur & velle & perficere (*Philip. 2.*). Hinc docet sanctus Augustinus, Deum sua dona coronare, dum opera nostra bona coronat. Verum in cœlo, ubi non erit opus opera bona agere, sed pro iisdem merces accipitur, perfectius Deus & validius in Beatis operatur; justi enim ibi Deo perfecte uniuntur, nec malo libertatis suæ usu poterunt deinceps ab eo separari. Neque Petrus igitur neque

ere dicit neque Paulus a Christo se juncti pro nobis orant,  
Eti alio sed Christus ipse in Petro & Paulo orat, quam-  
Unum vis propter Sanctorum communionem preces  
e manu nostras Petro & Paulo offeramus. Sicut enim  
Quando fidelium unitas cum Christo Christi unitatem  
Christum cum Patre representat; ita fidelium inter se uni-  
tas eorum cum ipso imitatur unitatem. Quomo-  
do igitur haec oratio, quae a fidelibus tamquam  
corporis hujus mystici membris promanat, illius  
majestatem laedet, qui corporis hujus est caput?  
Si quis id afferat, sapientiae ejus & bonitati ini-  
juriam irrogat, & hujuscce corporis naturam  
dissolvit. Fatentur haeretici posse fideles in hoc  
seculo alterum pro altero orare, quin Christi  
mediationis officium laedant. Id autem praesta-  
te possunt fideles, quoniam sunt *invicem mem-  
bra* (*Ephes. 4.*). Quomodo ergo Christo ini-  
juriam afferent justorum preces, cum per glo-  
riam Christi corpori membra haec perfectius  
adhærebunt, nec ab illo ultra dividentur.

Nolo hic cæteras rationes & argumenta af-  
ferre, quibus Theologi hunc nostræ fidei arti-  
culum tuentur; theologica siquidem opus esset  
lectione: ego vero Parochos modo instruo, ut  
perspicue catholicam fidem explicitent. Si arti-  
culus hic rejiciatur, oportebit sanctorum Patrum  
omnium auctoritatem respuere, qui suis in  
Scriptis Sanctorum precibus se commendarunt,  
oratoria deinde & templa destruere in Sanctorum  
honorem a primis usque Ecclesiæ sæculis  
Fidelium pietate exstructa. Verum a fiducia,  
qua Sanctorum preces poscimus, superstitione &

inordinata devorio abesse debet. Publico cultu non sunt honorandi, quos illo dignos Ecclesias non declaravit; licet clam illos colere possimus qui nondum in Sanctorum album sunt relata. Lucilla matrona hispana Martyris cuiusdam causa, quem Martyribus Episcopus non accensuerat osculari solebat: propterea Cæcilianus sapientiam illam arguerat: cum autem ipse Carthaginensis Episcopus fuisse electus, schismaticis se illuc conjunxit, ut auctoritate sua & divitiae ejusdem electioni adversaretur. Nec temere Sanctorum merita sunt aestimanda, nec privato suo iudicium unum alteri anteferre licet: nec eorum suffragia sunt poscenda, ut ea impetreremus quae aeternam saluti obsunt: nec iis est fidendum ita ut nos temere manifestis periculis objiciamus, aut in peccato perseveremus. Denique sancti Augustini dictum alta mente reponendum: *Summa religionis est, imitari quod colis.*

## C A P U T II.

### *Honor sacris Imaginibus merito exhibetur*

**C**ontroversiam de Imaginibus magno præteris ardore agitant moderni haeretici: reverentur, idololatras appellare catholicos, quas illas colunt; quamvis demonstrare nequeant eumdem a nobis cultum imaginibus exhibent, quo idola sua Ethnici colebant. Ab idolis sunt imagines distinguendæ: rem veram istæ representant, illa vero rem fictam. Quamobrem inquit sanctus Paulus: *Scimus quia nihil effidetur in mundo* (I. Cor. 8.). Ex idolorum